



Banka e Shqipërisë
Departamenti i Politikës Monetare



Komisioni Evropian*

VROJTIMI I BESIMIT TË BIZNESIT DHE TË KONSUMATORIT


2 PRILL 2024

** Vrojtimet e besimit bashkëfinancohen nga Bashkimi Evropian dhe Banka e Shqipërisë. Duke filluar nga muaji maj i vitit 2016, ato kaluan në programin e Komisionit Evropian për harmonizimin e Vrojtimeve të Besimit.*

VROJTIMI I BESIMIT TË BIZNESIT DHE TË KONSUMATORIT

Treguesi i ndjesisë ekonomike (TNE) shënoi një kthesë rritëse me 2.5 pikë në muajin mars, pasi regjistroi rënie gjatë dy muajve të mëparshëm. Niveli aktual i TNE-së qëndron 7 pikë përqindje mbi mesataren historike (Grafik 1). Rritja e TNE-së këtë muaj u ndikua nga rritja e besimit në sektorët e *industrisë, të tregtisë, të shërbimeve* si dhe rritja e besimit *konsumator*. Nga ana tjetër, besimi në sektorin e ndërtimit ra në muajin mars, pasi kishte regjistruar rritje dy muajt e mëparshëm (Grafik 2).

Grafik 1. Treguesi i ndjesisë ekonomike, TNE (mesatarja afatgjatë=100)




Burimi: Vrojtimi i Besimit të Biznesit dhe të Konsumatorit, Banka e Shqipërisë.

Treguesi i besimit të industrisë (TBI) u rrit me 3.6 pikë përqindje në muajin mars. Niveli i tij qëndron aktualisht 3.5 pikë përqindje mbi mesataren historike (Grafiku 2). Rritja e TBI-së këtë muaj u ndikua nga vlerësimet e rritura të bizneseve për *prodhimin industrial* aktual si dhe pritje më optimiste për *porositë nga eksportet* në të ardhmen. Gjithashtu, pritjet e bizneseve për *prodhimin industrial* në të ardhmen regjistruan rritje. Pritjet për çmimet në të ardhmen kanë mbetur të pandryshuara në krahasim me muajin e kaluar (Tabelë 2, sektori i industrisë).

Treguesi i besimit në ndërtim (TBN) ra me 0.9 pikë përqindje në mars, pasi u rrit me 6.5 pikë përqindje një muaj më parë. Niveli i tij vijon të qëndrojë ndjeshëm mbi mesataren historike, me rreth 23 pikë (Grafik 2). Rënia e TBN-së u përcaktua kryesisht nga vlerësimet në rënie për *aktivitetin aktual ndërtues*. Nga ana tjetër, *porositë aktuale* u vlerësuan me rritje këtë muaj. Pritjet për *punësimin* dhe çmimet që do të vendosin në të ardhmen kanë regjistruar rënie (Tabelë 2, sektori i ndërtimit).

Grafik 2. Treguesit e besimit sipas sektorëve*



Burimi: Vrojtimi i Besimit të Biznesit dhe të Konsumatorit, Banka e Shqipërisë.

Shënim: *Grafiku paraqet vlera të standardizuara për të korrigjuar ndryshimet ndërmjet mesatareve dhe devijimeve standarde të treguesve të besimit përkatës.

Treguesi i besimit në shërbime (TBSH) u rrit me 6.4 pikë përqindje në mars. Niveli i treguesit aktualisht qëndron 12.3 pikë përqindje mbi mesataren historike (Grafik 2). Në rritjen e TBSH-së kontribuan vlerësimet më optimiste të bizneseve si për *ecurinë aktuale të aktivitetit të tyre*, si dhe për *nivelin aktual të kërkesës*. Gjithashtu, pritjet për *kërkesën dhe nivelin e punësimit* në të ardhmen janë rishikuar për lart këtë muaj. Bizneset kanë rishikuar për poshtë *ecurinë e çmimeve* në të ardhmen (Tabelë 2, sektori i shërbimeve).


Treguesi i besimit në tregti (TBT) u rrit me 2.7 pikë përqindje në muajin mars, pas rënies me 10.3 pikë përqindje një muaj më parë. Aktualisht, niveli i TBT-së qëndron rreth 3.4 pikë përqindje mbi mesataren historike (Grafik 2). Në rritjen mujore të TBT-së ndikoi kryesisht vlerësimi më optimist i bizneseve për *ecurinë aktuale të biznesit të tyre*. Pritjet për *punësimin* në të ardhmen shënuan rënie edhe këtë muaj. Pritjet për *çmimet* në të ardhmen u vlerësuan me rënie (Tabelë 2, sektori i tregtisë).

Treguesi i besimit konsumator (TBK) regjistroi rritje me 1.4 pikë përqindje në muajin mars, duke u ngritur përsëri mbi nivelin e mesatares historike (Grafik 2). Konsumatorët vlerësuan në përmirësim *situatën e tyre financiare*, *situatën ekonomike të vendit* në të ardhmen si dhe *blerjet në shuma të mëdha*. Pritjet e konsumatorëve për *papunësinë* në të ardhmen janë ulur në muajin mars (Tabelë 2, konsumatorët).

Të dhënat me frekuencë tremujore¹ tregojnë se *gjendja financiare* e bizneseve dhe *norma e shfrytëzimit të kapaciteteve* të tyre është ulur në tremujorin e parë, në krahasim me tremujorin e katërt 2023. Pavarësisht rënies tremujore, të dy këta tregues qëndrojnë ndjeshëm mbi vlerat e mesatares historike përkatëse.


¹ Pyetjet mbi normën e shfrytëzimit të kapaciteteve dhe gjendjen financiare kanë frekuencë tremujore. Ato përfshihen në pyetësorët e bizneseve në muajt mars, qershor, shtator dhe dhjetor.

Grafik 3. Situata e biznesit sipas sektorëve, gjatë muajve të fundit




Burimi: Banka e Shqipërisë.

Grafik 4. Pritjet për situatën e biznesit gjatë muajve të ardhshëm




Burimi: Banka e Shqipërisë.

Grafik 5. Pritjet për papunësinë dhe çmimet e konsumatorëve për 12 muajt e ardhshëm



Burimi: Banka e Shqipërisë.

Grafik 6. Blerjet në shumë të mëdha të konsumatorëve



Burimi: Banka e Shqipërisë.

Tabelë 1. Treguesit e besimit sipas sektorëve*

| | Vlerat | | | 2023 | | 2024 | | | Situata aktuale | |
|------------|--------|-------|-------|--------|---------|-------|--------|-------|-----------------|----------------|
| | min | mes | maks | Nëntor | Dhjetor | Janar | Shkurt | Mars | Koniunkturale** | Strukturore*** |
| Industri | -60.9 | -9.5 | 5.8 | -4.0 | -4.6 | -1.0 | -9.6 | -6.0 | ↑ | + |
| Ndërtim | -58.4 | -21.8 | 9.0 | -4.1 | 3.6 | -4.6 | 1.9 | 1.0 | ↓ | ++ |
| Shërbime | -45.3 | 9.7 | 35.2 | 20.1 | 22.7 | 17.6 | 15.7 | 22.0 | ↑ | + |
| Tregti | -32.6 | 0.2 | 17.0 | 6.8 | 6.7 | 11.1 | 0.8 | 3.5 | ↑ | + |
| Konsumator | -40.4 | -26.6 | -16.3 | -25.0 | -25.6 | -26.8 | -27.7 | -26.3 | ↑ | + |

Burimi: Vrojtimi i Besimit të Biznesit dhe të Konsumatorit, Banka e Shqipërisë.

*) Treguesit janë llogaritur nga balanca të rregulluara për sezonalitet. Balancat minimale, mesatare dhe maksimale, janë të llogaritura duke filluar nga muaji maj 2016.

***) Situata krahasuar me muajin e mëparshëm.

****) Situata për secilin tregues konsiderohet: shumë e kënaqshme (++), kur treguesi është më shumë se 1 devijim standard më i lartë se mesatarja; e kënaqshme (+), kur treguesi është më pak se 1 devijim standard më i lartë se mesatarja; e pakënaqshme (-), kur treguesi është më pak se 1 devijim standard më i ulët se mesatarja; dhe shumë e pakënaqshme (--), kur treguesi është më shumë se 1 devijim standard më i ulët se mesatarja.

Tabelë 2. Balancat kryesore të sektorëve të ekonomisë (në pikë përqindje)

| | 2023 | | | | | | 2024 | | |
|---|--------|-------|---------|-------|--------|---------|-------|--------|-------|
| | Korrik | Gusht | Shtator | Tetor | Nëntor | Dhjetor | Janar | Shkurt | Mars |
| INDUSTRIA | | | | | | | | | |
| Prodhimi gjatë tre muajve të kaluar (pyetja 1, komponent i TBI-së) | 23.0 | 19.4 | 21.2 | 12.4 | 16.2 | 3.0 | 17.4 | 11.8 | 15.4 |
| Kontratat porositëse (pyetja 2, komponent i TBI-së) | -9.4 | -13.5 | -10.4 | -10.9 | -9.2 | -3.7 | -8.7 | -9.6 | -12.4 |
| Kontratat porositëse nga eksportet (pyetja 3, komponent i TBI-së) | -9.9 | -16.7 | -13.2 | -13.0 | -19.1 | -13.1 | -11.8 | -31.0 | -21.1 |
| Inventari i produkteve të përfunduara (pyetja 4) | -0.6 | 3.8 | 2.3 | -3.6 | -3.7 | -2.1 | -3.0 | -6.6 | -4.4 |
| Prodhimi pritje (pyetja 5) | 31.4 | 24.9 | 29.7 | 31.5 | 31.3 | 29.1 | 29.1 | 18.3 | 23.6 |
| Çmimet e produkteve pritje (pyetja 6) | 16.5 | 9.2 | -10.5 | 10.5 | 22.5 | 20.9 | 13.4 | 10.6 | 10.7 |
| Punësimi pritje (pyetja 7) | 8.8 | 10.9 | 9.7 | 10.3 | 8.4 | 8.3 | 8.3 | 2.3 | 1.0 |
| NDËRTIMI | | | | | | | | | |
| Aktiviteti ndërtues gjatë tre muajve të kaluar (pyetja 1, komponent i TBN-së) | 14.3 | 21.4 | 7.6 | 8.4 | 17.0 | 23.6 | 9.0 | 22.0 | 19.0 |
| Kontratat porositëse (pyetja 3, komponent i TBN-së) | -19.3 | -18.8 | -24.5 | -26.9 | -25.3 | -16.4 | -18.2 | -18.2 | -17.0 |
| Punësimi pritje (pyetja 4) | 9.5 | 12.6 | 5.5 | 11.4 | 13.1 | 17.4 | 11.8 | 26.6 | 17.2 |
| Çmimet pritje (pyetja 5) | 26.4 | 16.9 | 20.3 | 7.9 | 15.2 | 19.4 | 15.0 | 17.8 | 13.1 |
| SHËRBIME | | | | | | | | | |
| Ecuria e biznesit gjatë tre muajve të kaluar (pyetja 1, komponent i TBSH-së) | 19.8 | 29.6 | 25.3 | 23.6 | 17.7 | 22.2 | 19.1 | 17.9 | 22.6 |
| Kërkesa gjatë tre muajve të kaluar (pyetja 2, komponent i TBSH-së) | 26.0 | 30.1 | 24.4 | 24.3 | 22.6 | 23.1 | 16.1 | 13.5 | 21.5 |
| Kërkesa pritje (pyetja 3) | 29.6 | 30.7 | 25.5 | 30.8 | 33.1 | 34.5 | 31.3 | 24.3 | 38.0 |
| Punësimi gjatë tre muajve të kaluar (pyetja 4) | 14.7 | 11.2 | 6.0 | 4.4 | 7.4 | 7.5 | 2.9 | 4.2 | 11.0 |
| Punësimi pritje (pyetja 5) | 11.5 | 11.1 | 10.1 | 12.6 | 10.9 | 13.0 | 8.3 | 11.8 | 13.0 |
| Çmimet pritje (pyetja 6) | 15.6 | 17.8 | 14.0 | 13.0 | 17.0 | 19.2 | 14.6 | 10.2 | 4.2 |
| TREGTIA | | | | | | | | | |
| Ecuria e biznesit gjatë tre muajve të kaluar (pyetja 1, komponent i TBT-së) | 23.4 | 18.5 | 18.4 | 14.1 | 10.8 | 11.0 | 18.8 | -0.3 | 8.7 |
| Gjendja e inventarëve (pyetja 2) | 0.4 | 4.3 | 0.9 | 2.3 | 3.4 | 3.7 | 10.7 | 6.8 | 4.9 |
| Pritje për porositë në të ardhmen (pyetja 3) | 17.6 | 22.2 | 23.7 | 29.4 | 21.2 | 22.9 | 15.6 | 15.7 | 26.1 |
| Ecuria e biznesit pritje (pyetja 4) | 19.1 | 24.2 | 17.7 | 27.5 | 25.4 | 26.1 | 21.5 | 17.4 | 28.5 |
| Pritje për ecurinë e punësimit (pyetja 5, komponent i TBT-së) | 3.2 | 2.9 | 2.6 | 2.8 | 2.8 | 2.3 | 3.3 | 1.9 | -1.6 |
| Pritje për ecurinë e çmimeve (pyetja 6) | 18.2 | 7.4 | 13.9 | 8.7 | 9.2 | 14.2 | 3.6 | 4.4 | 0.2 |
| KONSUMATORI | | | | | | | | | |
| Situata financiare aktuale (pyetja 1) | -15.6 | -14.4 | -13.3 | -11.4 | -10.9 | -10.0 | -11.2 | -13.4 | -10.1 |
| Situata financiare pritje (pyetja 2, komponent i TBK-së) | 1.7 | 0.7 | 2.0 | 4.3 | 4.5 | 3.8 | 1.7 | 1.0 | 1.4 |
| Situata ekonomike aktuale (pyetja 3) | -23.8 | -23.4 | -21.8 | -19.8 | -19.1 | -19.0 | -19.0 | -18.3 | -17.4 |
| Situata ekonomike pritje (pyetja 4, komponent i TBK-së) | -0.2 | 0.9 | 0.4 | 1.0 | 3.7 | 2.3 | -0.5 | -0.5 | 2.3 |
| Çmimet aktuale (pyetja 5) | 50.5 | 51.5 | 46.4 | 45.4 | 46.6 | 44.6 | 47.2 | 42.9 | 42.2 |
| Çmimet pritje (pyetja 6) | -0.4 | 4.1 | -3.8 | -6.9 | -5.3 | -2.9 | -3.0 | -4.1 | -2.5 |
| Papunësia pritje (pyetja 7) | 2.7 | 1.2 | -0.1 | -3.3 | 1.3 | 3.8 | 0.5 | 1.6 | -3.5 |
| Blerjet e mëdha aktuale (pyetja 8, komponent i TBK-së) | -61.5 | -61.2 | -61.1 | -57.3 | -59.9 | -62.1 | -60.3 | -62.6 | -59.2 |
| Blerjet e mëdha pritje (pyetja 9, komponent i TBK-së) | -47.7 | -49.2 | -48.4 | -44.8 | -48.1 | -46.4 | -48.1 | -48.6 | -49.6 |
| Kursimi aktual (pyetja 10) | -45.4 | -44.2 | -45.1 | -44.2 | -45.3 | -42.4 | -42.3 | -45.5 | -43.2 |
| Kursimi pritje (pyetja 11) | -42.5 | -42.8 | -43.2 | -41.6 | -42.2 | -41.9 | -41.0 | -41.2 | -39.9 |
| Situata e të ardhurave dhe shpenzimeve (pyetja 12) | 0.3 | -0.5 | -0.3 | 3.5 | 2.2 | 3.1 | 3.8 | 2.3 | 4.5 |

Burimi: Vrojtimi i Besimit të Biznesit dhe të Konsumatorit, Banka e Shqipërisë.

ANEKS

Shpjegime metodologjike

Balanca është treguesi që përdoret më shpesh për agregimin e të dhënave cilësore nga vërtetimet. Ajo llogaritet si diferencë midis përqindjes së përgjigjeve pozitive dhe përqindjes së përgjigjeve negative. Balanca shprehet në pikë përqindje.

Treguesi i Besimit (TB) ndërtohet për çdo sektor dhe llogaritet si mesatare e thjeshtë e balancave të rregulluara sezonalisht të treguesve, të cilat kanë korrelacionin më të lartë me serinë e referencës (serinë e të dhënave reale të ekonomisë).

Treguesi i Ndjesisë Ekonomike (TNE) ndërtohet duke u bazuar në të njëjtat balanca që përdoren për ndërtimin e TB-ve për secilin sektor (industri, ndërtim, shërbime, tregti dhe konsumatorë), duke synuar të kapë aktivitetin e ekonomisë në vend. Para agregimit të TNE-së, këto balanca standardizohen dhe peshohen.